

**Regula Falsi / mit sampt
etlichen regeln Cosse/durch
besondern grund anzeigt.**

Regula Falsi.

Diese Regel / welche dann erfunden ist
von wege mancherley nutzbarkeit nach
den Regeln Cosse / die aller kunstreich-
ste / durch welche man suchet etlicher frag berich-
tung / als dann wirst sehen in nachfolgenden ex-
empeln. Aber der laut dieser Regel ist. Schreib
ungefährlich ein zahl gleich / als solche die gerecht
sey / vnd procedir mit jr in form oder gestalt wie
die auffgab ist / vnd so dann nicht kompt der frag
berichtung / mercke wie viel es zu wenig odder zu
vil ist / dieselbig zal ses neben der zal / die du genom-
men hast mit seinem zeichen / Ist zu viel / setze +
Ist aber zu wenig / setze - Darnach nim ein an-
der zal / vnd thu wie vor / setze dieselbige vnder die
erste mit ihrem defect oder excess. Weiter / wann
nun kompt + vnd + oder - vnd - So subtra-
hire den kleiner excess / so ist + oder defect / so ist -
von dem grössern excess oder defect / vnd was da
bleibt / ist der Zeyler. Darnach multiplicir durch
das creuz / vnd subtrahir einen product von dem